

**M**yn kunden nyemans nennet all  
Wer hat gehört von Circes stall/  
Calypso / der Syrenen joch  
Der gedencck / was gwaltes ich hab noch  
Welcher meynt das er wytzig sy  
Den dunck ich dieff inn narren bry/  
Wer eyn mol wurt von mir verwunt  
Den macht keyn krütter krafft gesunt/  
Sar vmb hab ich ein blynden sun/  
Keyn büler sicht was er soll tün/  
Myn sun ein kindt ist / nit eyn man  
Büler mit kindheit dünt vmbgan/  
Von inn wurt selten dapper wort  
Glych wie von eynem kindt gehört/  
Myn sun stat nackt vnd bloß all tag  
Sann bülschafft nyeman bergen mag/  
Böß lieb die flücht / nit lang sie stat  
Sar vmb myn sun zwen flügel hat/  
Bülschafft ist licht zu aller frist  
Nüt vnstatters vff erden ist/  
Cupido treit syn bogen bloß  
Vff yeder sytt / ein kocher groß/  
In eym / hat er vil hocken pfil  
So mit trifft er der narren vil/  
Sie sint scharpff / gulde / hockecht / spitz  
Wer troffen würt / der kumbt von witz/  
Vnd dantz har noch am narren holtz/  
Im andern kocher / vogel boltz  
Sint stumpff / mit bly beswert / nit lücht  
Der erst macht wunt / der ander flücht



*myne  
ist m.*